



Broj: 02/2-50-8-23-15/25
Sarajevo, 14. 4. 2025.

ORIJENTACIONI RADNI PLAN
KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE
DOMA NARODA PSBiH
ZA 2025. GODINU

Sarajevo, januar 2025. godine

RADNI PLAN
KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE DOMA NARODA PSBiH
U 2025. GODINI

UVOD

Osnovni cilj rada Komisije za vanjsku i trgovinsku politiku, carine, saobraćaj i komunikacije Doma naroda (u daljnjem tekstu: Komisija) jeste da osigura kvalitetnu pripremu rada i što bolje i efikasnije funkcioniranje Doma naroda, a time i Parlamentarne skupštine BiH, provođenjem općih opredjeljenja zacrtanih Ustavom BiH i Dejtonskim mirovnim sporazumom te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda PSBiH unutar države i njenim međunarodnim obavezama.

Djelokrug Komisije određen je članom 40. Poslovnika Doma naroda PSBiH prema kojem:

“Komisija za vanjsku i trgovinsku politiku, carine, saobraćaj i komunikacije:

- a) prati vođenje vanjske politike Predsjedništva BiH i Vijeća ministara BiH;
- b) razmatra pitanja saradnje Bosne i Hercegovine s Ujedinjenim narodima i međunarodnom zajednicom;
- c) razmatra pitanja međuparlamentarne saradnje s odgovarajućim komisijama parlamenata drugih zemalja;
- d) razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- e) razmatra pitanja rada institucija BiH, nadležnih za pitanja vanjskih poslova i međunarodnih odnosa;
- f) razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- g) razmatra pitanja davanja i otkazivanja saglasnosti za ratifikaciju međunarodnih ugovora, sporazuma i konvencija;
- h) razmatra pitanja koja se odnose na vanjskotrговinsku politiku;
- i) razmatra pitanja koja se odnose na sporazume o međunarodnoj trgovini;
- j) razmatra pitanja koja se odnose na carinsku politiku;
- k) razmatra pitanja koja se odnose na tarife, propise i zakone iz svoje oblasti;
- l) razmatra pitanja koja se odnose na međunarodne obaveze Bosne i Hercegovine;
- m) razmatra odnose s međunarodnim trgovinskim institucijama;
- n) razmatra pitanja koja se odnose na putne isprave;

- o) razmatra pitanja koja se odnose na uspostavu i funkcioniranje zajedničkih i međunarodnih komunikacija;
- p) razmatra pitanja koja se odnose na reguliranje međunarodnog i međuentitetskog saobraćaja;
- r) razmatra pitanja koja se odnose na civilno zrakoplovstvo;
- s) razmatra pitanja koja se odnose na informaciono-komunikacione tehnologije.

(2) Komisija razmatra i druga pitanja iz oblasti međunarodnih odnosa i vanjskih poslova, vanjske trgovine, carina, saobraćaja i komunikacija.“

Obaveza izrade i dostavljanja orijentacionog plana rada za sve komisije predviđena je članom 55. stav (2) Poslovnika Doma naroda.

Kao prioritete u Programu rada Doma naroda, a u domenu nadležnosti Komisije za vanjsku i trgovinsku politiku, carine, saobraćaj i komunikacije, predlažemo:

- blagovremeno donošenje zakona predviđeno dinamikom rada institucija Bosne i Hercegovine za 2025. godinu;
- blagovremeno razmatranje zahtjeva za davanje saglasnosti za ratifikaciju i otkazivanje međunarodnih sporazuma;
- blagovremeno razmatranje izvještaja o radu i drugih materijala dostavljenih od institucija Bosne i Hercegovine;
- praćenje aktivnosti nadležnih institucija u procesu realizacije obaveza preuzetih potpisivanjem Sporazuma o stabilizaciji i pridruživanju, u dijelu nadležnosti Komisije;
- razmatranje vanjskotrgovinske politike BiH i provođenja međunarodnih trgovinskih ugovora, naročito ugovora o slobodnoj trgovini;
- izvršavanje obaveza u međunarodnim i regionalnim organizacijama, u bilateralnim odnosima, obaveza Parlamentarne skupštine BiH prema drugim parlamentima, te drugih obaveza predviđenih za ovu godinu;
- praćenje ostalih aktivnosti institucija Bosne i Hercegovine u domenu vanjske politike, vanjske trgovine, saobraćaja i komunikacija.

Budući da do izrade ovog orijentacionog plana Vijeće ministara BiH nije dostavilo program rada za 2025. godinu, nije moguće planirati konkretne nazive prijedloga zakona koji će biti razmatrani. Međutim, Komisija će blagovremeno razmotriti sve dostavljene prijedloge zakona iz svoje nadležnosti, te Domu naroda dostaviti mišljenja, odnosno izvještaje o tim prijedlozima. Ostali materijali iz nadležnosti Komisije, a prije svega izvještaji o radu, te imenovanja rukovodnih struktura u institucijama BiH planirani su na osnovu uobičajene dosadašnje dinamike, odnosno rokova predviđenih odgovarajućim propisima.

Najveći dio aktivnosti Komisije odnosi se na razmatranje materijala dostavljenih od drugih institucija, a u skladu s nadležnostima Komisije i zaduženjima Kolegija Doma naroda PSBiH. Stoga je za uspješnu realizaciju Radnog plana od ključnog značaja blagovremeno

dostavljanje materijala, prije svega od Vijeća ministara BiH i Predsjedništva BiH, ali i svih drugih nadležnih institucija.

PLAN RADA

JANUAR - MART

- **Razmatranje prijedloga zakona iz nadležnosti Komisije**
- **Razmatranje davanja saglasnosti za ratifikaciju međunarodnih ugovora, sporazuma i konvencija**
- **Razmatranje izvještaja o radu**
 - *Razmatranje Izvještaja o radu Vijeća ministara za 2023. godinu u dijelu nadležnosti Komisije*
 - *Razmatranje Izvještaja o radu i poslovanju BHRT-a za 2023. godinu i Programskog plana i Finansijskog plana za 2024. godinu*
 - *Razmatranje Izvještaja iz oblasti poljoprivrede, ishrane i ruralnog razvoja za Bosnu i Hercegovinu za 2023. godinu*
 - *Razmatranje Izvještaja o radu Komisije za vanjsku i trgovinsku politiku, carine, saobraćaj i komunikacije DN za 2024. godinu*
 - *Razmatranje Orijentacionog plana Komisije za vanjsku i trgovinsku politiku, carine, saobraćaj i komunikacije DN za 2025. godinu*
- **Međunarodne aktivnosti**
 - *Prezentacija direktora Sekretarijata Transportne zajednice*

APRIL - JUNI

- **Razmatranje prijedloga zakona iz nadležnosti Komisije**
- **Razmatranje davanja saglasnosti za ratifikaciju međunarodnih ugovora, sporazuma i konvencija**
- **Razmatranje izvještaja o radu**
 - *Razmatranje Izvještaja o radu Državne regulatorne komisije za električnu energiju u 2024. godini*
 - *Razmatranje Izvještaja o radu i finansijskog izvještaja Agencije za poštanski saobraćaj Bosne i Hercegovine za 2024. godinu*

- **Tematske sjednice**
- *Održavanje jedne tematske sjednice o pitanjima iz nadležnosti Komisije*
- **Međunarodne aktivnosti**
- *Prezentacija direktora Sekretarijata Energetske zajednice Godišnjeg izvještaja o provođenju Ugovora o osnivanju Energetske zajednice*
- *Posjeta Komisiji za vanjske poslove Velike narodne skupštine Republike Turske*
- *Parlamentarni plenum Energetske zajednice*

JULI - SEPTEMBAR

- **Razmatranje prijedloga zakona iz nadležnosti Komisije**
- **Razmatranje davanja saglasnosti za ratifikaciju međunarodnih ugovora, sporazuma i konvencija**
- **Izvještaji o radu**
- *Razmatranje Izvještaja o radu Vijeća ministara za 2024. godinu u dijelu nadležnosti Komisije*
- *Razmatranje Izvještaja o radu i poslovanju BHRT-a za 2024. godinu i Programskog plana i Finansijskog plana za 2025. godinu*

OKTOBAR - DECEMBAR

- **Razmatranje prijedloga zakona iz nadležnosti Komisije**
- **Razmatranje davanja saglasnosti za ratifikaciju međunarodnih ugovora, sporazuma i konvencija**
- **Izvještaji o radu**
- *Razmatranje Izvještaja iz oblasti poljoprivrede, ishrane i ruralnog razvoja za Bosnu i Hercegovinu za 2024. godinu*
- **Tematske sjednice**
- *Održavanje jedne tematske sjednice o pitanjima iz nadležnosti Komisije*

- **Međunarodne aktivnosti**

- *Parlamentarni plenum Energetske zajednice*

- **OSTALE AKTIVNOSTI – KONTINUIRANO TOKOM GODINE**

- *Razmatranje informacija nadležnih ministarstava Vijeća ministara BiH koje su u nadležnosti Komisije*
- *Učešće u razgovorima s delegacijama drugih državnih parlamenata, te predstavljanje Parlamentarne skupštine BiH u zemlji i inozemstvu*
- *Praćenje procesa pristupanja Bosne i Hercegovine Svjetskoj trgovinskoj organizaciji*
- *Razmatranje informacija i dopisa Ministarstva vanjskih poslova BiH*
- *Razmatranje izvještaja o rezultatima posjeta delegacija Parlamentarne skupštine BiH u međunarodnim aktivnostima – koja budu dostavljena Komisiji*
- *Razmatranje Izvještaja o radu i Orijentacionog radnog plana Komisije*
- *Razmatranje drugih materijala koji su, prema Poslovniku, u nadležnosti Komisije*

ZAKLJUČAK

Plan rada za 2025. godinu dat je okvirno, prema očekivanim aktivnostima na nivou BiH i u skladu s potrebom za koordinacijom s drugim nadležnim organima.

Rokovi za razmatranje materijala zavisit će od prijema materijala od institucija koje ih upućuju i zaduženja od Kolegija Doma naroda, odnosno Zajedničkog kolegija oba doma.

Nove obaveze koje se mogu pojaviti, a koje nisu predviđene ovim planom, bit će blagovremeno u njega uvrštene, odnosno blagovremeno razmatrane.

Predsjedavajući Komisije

Safet Softić

